

貴州新政講習所同學錄

貴州財政講習

習所同學錄

庚午秋筑生署檢



近世文明進步科學繁興莫不於事實思想二者并重始不托諸空論而有裨實際凡百學術皆然尤以社會科學爲甚歐戰而後潮流激變趨向陡殊言政治則民治主義翻新言經濟則產業革命異趣一切事實迥非從前之現象故財政上的研究亦不能不隨種種進步而生變化蓋非此不足以應事實之窮而濟環境突異之需也吾國政治未修產業落後較之歐美各國距離過差當此革命成功急待建設之際開發社會之經濟增進國家之地位凡百措施胥與財政息息相關矧吾黔僻處西南貧瘠冠全國生產缺乏賦稅無多昔在清季受協濟於鄰省改革以還幾經清釐迄於今日猶時嗟貧固由蘊藏之未開發物力之屬有限然缺乏相當財政人員鮮專門精深之研究亦實病莫能興之一原因不學則乏術無怪其坐而待困也昔之職司財政者其營私舞弊執法殃民之流固無論已卽其精覈強幹者亦不過盡巧取之能事以聚斂爲工非損公以肥己亦病民而蠹國不知社會經濟爲國家財政之母不顧其根本輕肆其斧柯竭澤而漁其孰爲繼所謂「百姓不足君孰與足」吾見其民困已深公帑仍虛而已夫剗肉以補瘡非醫師猶知其無益緣木而求魚非釣者猶識其無濟將進貧瘠素著貴州使儕於東南富庶之林求其民生日以蘇文化日以晉不於根本解決之方注意其

濟此本省財政講習所之所由成立也諸生來學於斯時經數月於世界經濟之趨勢財
理之方法意必有所得是於思想方面亦既識其途徑矣今將出而任事苟於事實方面
加以確實深刻之觀察認識勿托空以違事勿泥事而悖理根據思想以求其運用印証事實
以合乎原則則個人前途之成就庶其無涯而國家財政之整理乃克有濟將來竟建設之全
功新貴州之面目皆基於是矣故於諸生之行也書以告之諸生勉旃

桐梓毛光翔

十九、九、二三、

今年春貴州有財政講習所之設空凡適長財廳奉

命兼綜其事肄業學員共二百一十人以六閱月爲學成期季秋之月行將畢業諸學員以合之不能無離也爰取同學姓氏年齒里籍錄爲一冊付之排印請予一言弁諸首予惟財政一途國脉所寄民命攸關端緒異常繁頤事體尤爲重大現在國家地方劃而爲二交相並重邇年以來各縣關於地方財政每以不學無術之人從事其間既事非素習亦力所難能不敷衍以塞上官卽鹵莽而滋民累弊端百出無可諱言今諸君入所肄業雖爲短期之研究然各講師分科教授亦既詳且盡矣本心得以見諸施行則所爲當不同於庸衆惟是興利除弊開源節流實爲理財之重大關鍵然言之匪艱行之維艱有未能一蹴可幾者至於潔己也愛民也任事之實心也此蓋人人所可勉而不假他求者也諸君勉乎哉空凡朝夕所期他日手此一編時謂某也熱忱任事勤奮從公某也精白乃心處膏不潤皆吾疇昔所中學員也能如是亦足矣諸君勉乎哉予將拭目俟之矣是爲序

中華民國十九年九月 日溱州馬空凡序於貴州財政廳

貴州財政講習所同學錄 序

財政講習所同學錄序

余不事教育垂十餘年無論近世學術多所未諳即從前一知半解亦早荒廢今春財政講習所開辦甄拔全省優秀二百有十人肄業其中司農空凡馬公不棄庸腐召掌教務不容諉卸就事之初乃與學員諸君相約曰余之所以勉任斯職者以有諸君子為之學員耳蓋講習所為特定之務之學校諸君子又皆一時之選迥非其他學校之學

有待於訓練管理而後克有成也然惟斯校性質不
短促諸君子雖品學素優而希望諸君子於最短之時間
成大器為財政界中堅人物之心則較其他學校為尤切因
是之故切願諸君子講求自治敦品勵學使校中一切管
理規則無異具文教務一職等於虛設庶幾有以副馬公
倡辦斯校之旨償諸君子遠道求學之願並得以藏余
個人之拙豈不甚善諸君子皆應曰唯日月不居修業

屈滿屈計六閱月中諸君子尚能不忘要約實踐躬行幸
何如之諸君子以此後之難以重聚也爰有同學錄之刻
并引臨別贈言之義而徵余一言夫離合之際古人固多感
慨繫之矣而自余觀之離合亦何嘗之有昔日之合即今
日之離也則今日之離又安知非他日之合乎若徒於繫
念不置者賢達如諸君子未必然也度諸君子之心而
在此別後之應如何方不負斯錄耳吾人處世惟

之不立為可懼耳然以諸君子之能實踐前諾不
於先則必能屹然自樹以要當世之令聞於後也可
言矣諸君勉乎哉余將操是錄為左券矣

民國十九年庚午中秋播州筑生王祖培序



才爲根本改進吾黔財政之圖於是有財政講習所之設立組織之初與謬膺籌備之任嗣又承乏會計講席因得從諸君子之後與各學員一堂聚首者閱六月三生有幸欣忭奚如同學以修業期滿行將遠別爰有同學錄之刻屬序於與與惟同學錄之要旨不外聯合情誼砥礪學行雖雪泥鴻爪轉眼陳迹而感舊撫今不忘所本各同學皆一時英俊負笈遠來志趣相同學業相若歷風雨晦明之會極切磋琢磨之功晨鐘暮鼓剪燭共話者幾何時矣人爲感情動物其際遇如斯因緣如斯親愛又如斯一旦勞燕分飛出而問世自必本互助之義抒同德之情且必以愛同學者愛黨愛國愛社會如是則斯錄之含義甚遠爲用甚宏絕非記姓名考里居循例之作所能比擬矣然與之所欲言者不在情誼之關係而在人生之間諳同學行矣今後之出處如何立身之本又如何實以此時爲樞紐也大抵學習政治者於畢業以後莫不汲汲焉營求政治上相當地位其未得之也唯恐地位之不高因不惜犧牲一切以赴之甚或黃緣奔競無所不至其既得之也又以經濟慾望之不能滿足乃至於瓶法舞弊亦所不顧也之卽一種求榮心與慕利心之衝動是已夫人生之意義本爲供給社會國家之需要其獻於社會國家自宜有所憑藉所憑藉者有不同其所貢獻者卽有程度之差別但使

能以圖報稱於社會國家斯得矣否則廁身高位而才力不足以副之鮮有不顛仆者國家何補焉况人之信仰純是人格能力學識問答不關地位之高下試觀古來事業則流芳或則貽臭是豈地位懸殊哉蓋有賢有不肖有能與不能也再進一步言之王侯地位不爲不高然多沒世不稱草木共腐轉不若匹夫匹婦一節可取一藝足稱者之垂誥遠然則人生之價值固別有在矣至若財利之念更何足道而世之逐利不休者持之有故曰維持生活也興常謂千金之子與中產之家其生活實無稍異富者之儲藏鉅金與貧者之無金可積相若也富者之畏人與貧者之肆志其苦樂又相殺也吾人之處世義所當取者固不必矯情以鳴高若夫非分之財不法之利皆爲不當利得不特傷廉抑且玷職尤司財政者所宜切戒者也以上所述雖屬老生常談實人生之關頭所期望於同學者不在榮名不在美利而在人生之真價值所謂人生之真價值者人格也能力也學識也舉足爲世信仰不問地位居於何等其所措施皆有裨於社會國家也行矣同學伊人秋水邂逅難期同學之功業將表見於世而同學之真價值則可按錄而稽也是在同學好自爲之耳嗚呼可不勉歟

財政講習所學員期滿畢業有同學錄之刻以源曾爲籌備員之一且曾任教授故徵源一言

弁諸首源曰斯錄之刻也其義果安在乎如以爲同學畢業例必有刻非此則無以同乎衆則

不如其已也吾屢見乎畢業之際若不勝其離合之感斤斤焉謀情愫之聯絡學業之互助因

而標姓氏叙年齒載通信地不啻與高文典冊同其珍重殊亦未可厚非也及時過境遷音訊

疏渺偶相遇甚至有同陌路而所謂同學錄者非覆諸醬瓿卽棄諸紙籠而初意全失矣故曰

不如其已也源知諸君雖循例而爲是刻而其用意當不若是也以私意揆之殆名爲同學錄

實不啻爲畢業後之言行錄乎何言之今夫人才之不爲時代所限囿者古今來蓋亦罕矣外

此則莫不含有時代性所謂時勢造英雄是也惟其有時代性則當時則用過時則棄新者踵

起舊者退謝如水浪然前逝後繼如四時然暑去涼生此理之自然也然必新者果能踵起而

後舊者始退歸於無權若乃舊者雖舊新者未新而時代又不能滯留以待則兩者俱必苦

苦痛而人才消乏之歎以生百事廢墜莫能挽救此又勢之必至也理之自然者吾見右

至若勢之必至者於今日之貴州則莫能逃焉蓋今日之貴州實新舊不接人才消乏

也時代有要求而人才不足以副之致舊者苦力支持而不免腐敗退化之誚新者苦

究難免鹵莽滅裂之譏譬之戰爭舊者本爲落伍而卒被迫入前鋒新者甫一臨陣而創致敗此真危急之秋也當此訓政伊始百端待理又不能任其浮浮沉沉以去於是人才之訓練以度此難關諸君卽爲訓練之一團也訓政爲建國之最要階段財政又爲其重要源泉諸君置身於此環境中其所負之責任可知矣今日出校明日入世彼時代者正責望諸君之來也何暮諸君而能有改新局面而適合時代之要求也知諸君者無論矣其不知者得按錄而稽之曰某也才某也賢某也廉聲名洋溢乎中國由少數人而榮及全體則斯錄也豈惟與高文典冊同其珍重而已哉苟其不自振作放棄責任與現之所謂受創者落伍者相儕甚或自甘墮落將所謂受創者落伍者而不及焉使時代愈逝而不可追則知與不知者亦皆得按是錄而數之曰某也貪某也污某也詐聲名洋溢乎中國由少數人而累及全體則斯錄也豈惟宜覆諸醬瓿棄諸紙籠而已哉由是而言斯錄之關係於諸君可謂大矣源故曰名爲同學錄實不啻爲畢業後之言行錄也因恐個人之害及全體也於是一言一行皆有所警惕而不敢稍忽一人如是人人如是使知與不知者皆爭寶是錄交相贊譽其價值爲何如乎源所以弁言之意在此質之諸君然乎否乎

財爲庶政之母凡百事業非財不舉此固一般從事政治學者所公認當茲訓政肇端建設伊始對於整理財政尤爲根本先務特吾國自來言主計者類多偏重國家一面鮮有着眼於地方問題者不知地方爲構成國家之原素國家爲地方組合之集團地方不早奠其基國家安足固其宇此吾黨 總理所以確定縣爲實施自治之單位而溱州馬公空凡所以於整頓國家財政之餘復有本所之設立以爲改良各縣地方財政完成一切設施之先決也溯本所自着手籌辦以來賴馬公之苦心經營歷時三月始獲開所授課萃全省之菁英合一爐而冶之濟濟跽跽於斯爲盛^達以軀才亦猥承不棄濫竽教授之列自慚學殖荒落虛擁皋比無可建白深負諸君子之厚望惟冀借助他山得以切磋砥礪乃駒光如駛來復頻更方殷啓予之思倏興離羣之感畢業期間轉瞬卽屆晦明風雨時恫予懷第一念諸君子平素之勤苦不倦凡所鑽研咸有心得行將及鋒而試宏展驥足以負荷改良吾黔各縣財政之使命樹立訓政建設之不基又不禁忻然以喜爲七百萬民衆私相慶幸願硜硜之愚有不能自己者適諸君慮將來邂逅難逢議刊同學錄以資紀念并援古人臨別贈言之義環相督責用是忘其聊據所懷籍作忠告竊以爲今日之世界一合作互助之世界也潮流所趨萬方同軌

皆識時俊傑伐木久賡且苙章交資攻錯有日當必能聲應氣求敦崇德義此後雖各本分道揚鑣仍期恪守 總理親愛精誠之訓永矢車笠毋忘之盟嚴密固結提攜共濟爲謀福利爲團體競生存則千里如一堂形骸縱隔精神靡間前途發展定卜無量不特爲本序之光卽^達亦與有榮焉若乃自泯良知日趨於僞以權利之爭存門戶之見參商冰炭箕豆相煎則天職之乖人格之喪匪惟大背此次彙刊同學錄之旨趣恐亦非廳長作育人才所望於諸君子之始願諸君子勉乎哉^達將拭目俟之跂足待之矣是爲序

中華民國十九年庚午仲秋月古播陳公達博志甫序

職教員